

Тәм
номеран
лұңтаты:

В.Н. Соловар филологической наукайт доктор нем холумтас



2-мит лопасн

Ханты не Н.И. Величко вәлупсы олаңан



3-мит лопасн



Ханты мир
паты мосты
киника

4-мит лопасн

ХАНТЫ ЯСАҢ



Ханты-Мансийской автономной
округ-Югра газета

СУББОТА 4 февраль 2012 ол № 5 (3345)

Стад 1-мит ноябрь 1957-мит ол вўш эвалт

АЙКЕЛАТ

Көщайт па депутатат ищи пиридыт

Ай кер тылащ 4-митн Россияйн йилуп президент пириты пилды. Ищи хәталн мўң мўвевн 11 кәртаң па вошаң көща, щәлта 106 депутат пириды. Щи әхтыйн тәм ванан округев көща не Н. Комарова ай павтас мирхотн, хута путар мәнас пиресты вер олаңан.

Лўв лупас, хуты Владимир Путин нумас павтас пиресты хотатн хот питрата видеокамерайт ехатты, ләдн щитат унтасн вантты, мўй вўрн хәннехәйт непек есалдат па әхат щитат нух лўңатлдыйт. Щи олаңан лўв ван хәтлуп тылащн ай павтас, хән Россия мир пилда телевизор хўват путартас.

Мўвев көща не елды лупас, хуты 657 пиресты тәхийн щимащ щўңкат верлдыйт. «Ростелеком» ух хә Сергей Трибунский ясаң щирн, щит ләщатты паты лыв мосты щўңкат ләтсат.

115 кәртан па хўв тәхийн, хута щитат хот питра ехатты щир әнтәм вәд, пиресты вер диск неппи ута нух хәншды, әхат избирком еха ванлтаты мәды.

Мирхот суханты елпийн Н. Комарова партас избирком ех щиты верты, ләдн ай кәртанн вәдты мир па мөшаң ех РФ президент, депутатат, щәлта кәртаң муй вошаң көщайт пириты щир ищи ат тәйсат.

Айкед ара китты тәхи непек унтасн хәншас Реональда ОЛЬЗИНА



Мәнум ол юхи хәщум хәтлатн Югра мўвев вулаң поэт не Мария Кузьминична Волдина 75-мит ол постас. Тәм ванан Ёмвошн сема питум хәтлал пата вән емаңхатл верантса. Етнхота юхтум мойң ех ещалт «Вәлупсәд хәтл» неппи якаң-араң әмащ ут ванлтасы, хута Мария Кузьминична вәлупсы олаңан путар мәнас.

Щәлта округ правительства па оса тәхет көщайт лўведа арсыр мойлупсәт мойласат па ар ям па хошум ясаңат лупсат. Округ көща не Наталья Комарова па щив юхтылас па вўща ясаңат М. Волдиная путартас.

— Ма шеңк мосман тәйләм тәм хәннехә. Ям, хуты щимащ вулаң па мосты хуятат мўң округевн вәдлат, — лупас Н. Комарова.

Надежда ВАХ

Лылаң якат

Ас хәлты тылащн шуши мир кәт хәтл мәр «Лылаң якат» неппи мирхота юхтылсат. Лыв тәта хәлантсат, муй щирн хәнты па вухалъ якат тывсат.



Мет әмащ вәс вантты, хән М. Рябова, Ф. Иштимирова па В. Меров юхтум па айлат еха ванлтасат, муй щирн яктыйн карематы, ешқан па кўрқан түвематы. Кашаң ванлтум хуят путартас, муя тәмиты икет па имет яклат.

Исторической наука кандидат Т. Молданова путар тәс, муйсар сухат ариты-якты хәратн ләматты мосл. Вантә, шуши мир округан хурамаң хәншийн ёнтум ернасат, щәшкан сахат, сәкаң нират, сәвум вейт па па пурмасат семн вантты вәндсат. Снумты ай нявремат ат вөйтлдат увас хәннехә ернасат, ухшамат, пўнаң вейт. Итәх пурайн юврая верум ут ки шиваладн,

сәмен па нумсән атма йил. Муя щиты вәд? Якты-ариты еха ванкўтлы мирхотат ләщатты па щәта путартты па ванлтаты мосл, муй щирн тәса ләматты сухат верлдыйт.

«Хәтл» неппи тәхийн рәпитты не Ф. Иштимирова ар ол мәр вән унтас верл шуши мир якты хуятата. Нын лўңатты вератлатты «Танец — живое искусство народа» еслум киника. Алә эвиел әңкел паты ищи мойлупсы ләщатас, щит «С танцем по жизни» непек. Тәм утн ләйңлал па вәтаң ехлал хошум па сәма луңты ям ясаңат хәншсат.

Райса РЕШЕТНИКОВА

Шуши мир паты

Тәм ванан округ правительства мирхот пурайн көщайт партсат кәртаң шуши ех эвалт уша паватты, муй щирн тәса воньщумутат, тулхат, нохар семат әкатты вер ләщатты. Щи юпийн вулаң Концепция непека немасыя поступсы тывл. Округ көщаев Наталья Комарова лупас, хуты щи юпийн шуши мир кўтн шимл рәпатайды ех пилт. Мўвават лерамтты ех ясаңат щирн, мўң округевн 60 тонна арат воньщумут, 40-кем тонна арат тулах па 70 процент арат нохар сем әкатты рәхл.

Хәнты ясаңа тулмащтас Людмила ЛОНГОРТОВА

Йис путрат-моньшат акатты тахи

Там ванан Суматвошн вѣдмемн вухаль мир йис путрат-моньшат акатты тахия яңхсум па лўв кѣщайл Любовь Васильевна Каплатова пида вѣйтантийлсум. Сыры олатн там архив хуци вѣлты неѣт шеңк сѣмаѣ йис верат район хўватн кѣншсат па непека постасат. Хуты там кўтн лыв вѣлдат па муй щирн рѣпитлат, уша верты лѣңхасум па щи олаѣан нынана айкел лѣщатты.

– **Любовь Васильевна, сырыя нын архиван хуци аршак хѣннехѣ вѣс, там кўтн па иса немхуят ѣнтѣм?**

– Сыры олатн мўң вухаль мир йис путрат-моньшат акатты атѣлт тахия вѣсўв па щит пѣта тѣта аршак ѣх рѣпитас. Мўң ѣхлўв Суматвош район луватн яңхсат, сыр-сыр наука щирн верты мирхотатн лывѣл шивадаты рѣхас. Юхи хѣщум пурайн мѣтты тахия мѣнты вер иса юремасўв. Муй пѣта щимащ рѣпата щир мўң хуцева тывас? Ин, вантѣ, мўң вухаль мир архив хотѣв Ёмвошн вѣлты Ас-угорской институт филиала лўңтасл. Щит пѣта тѣта тѣп кѣт хѣннехѣ ин рѣпитты веритл.

Хѣлмит неѣв Хулим-

сунт кѣртан вѣл па щѣта арсыр йис путрат акатл.

– **Муй щирн ин нын рѣпитлаты па муйсар верат лѣщатлаты?**

– Мўң ищиты моньшат па йис путрат кѣншлўв. Хѣн па аршак щимащ айкел ѣкмал, вухаль ясаң ѣвалт рўщ щира тулмащталўв па непека щитат хѣншлўв. Щѣлта щи утат хўватн йилуп научной киникайт ѣсаллўв. Ин хѣлмит ода щи йис, хуты мўң, Суматвош районаң Ас-угорской институт филиал рѣпатнекат, мўлты тахия айкѣртат хўватн яңхты щир ѣн тѣйлўв. Щит пѣта муй щирн йис путрат муй моньшат исаңанѣптаң ювум ѣх ѣвалт акатты? Кашаң йилуп ода питты пурайн мўң

тивѣл-тухѣл арсыр тѣхѣта яңхийлты пѣта Ёмвошн вѣлты кѣщайлўв ѣвалт вух вохлўв. Лыв па тѣп тѣмиты юхлы луплат, мѣтты вух иса ѣнтѣм.

– **Щиты и тѣхийн вѣлман, муй щирн нын йис пура верат акатлаты?**

– Там Суматвошевн вѣлты нѣптаң ѣх хуци мўң 10-кѣм пўш яңхсўв арсыр мосты айкѣлат акатман. Па нѣң ин кўш сот пўш и хуятат хуци яңха, ищипа мулты йилуп айкел там муй тум хѣннехѣ ѣвалт ѣн па холумлан. Хуят, вантѣ, муйсар верат нумасн тѣйс, щитат мўңѣва путартас па щи. Щи йис путрат муй моньшат тумпийн тѣта рѣпитты неңлўв лыв щирѣлн вўюм научной непека



хѣншлат. Ма ин ищи «Духовная культура среднеобских ханты» рѣпатаем лѣщатлум. Щит пѣта лўң пурайн рѣт ѣхлам ѣвалт мѣнѣма мосты айкѣлат кѣншлум. Щи тумпийн аспирантурайн вѣнлтыйллум. Там пўшма «Ѧңкаңкѣм моньшат» непек верман вѣсум. Тѣта Суматвошн мѣнты «Меньшиковские чтения» немуп мирхотатн рѣпитлўв па арсыр научной путрат щѣта

мир ѣщалт лўңатлўв. Хѣн Ёмвошн мулты конференцияйт вѣлѣлат, щив ма тѣп «Югра мўв лылнуптаты» ассоциация вухат унтасн яңхлум. Щиты там юхи хѣщум олатн мўң тѣта Ёмвош Ас-угорской институт филиал ѣвалт вѣллўв па рѣпитлўв.

– **Пѣмашипа, Любовь Васильевна, там айкелѣн пѣта! Тѣлаң ѣш па тѣлаң кўр нѣѣна!**
Владимир ЕНОВ

Ясѣв, хѣннехѣ иты, лылаң ут



Кашаң ол тѣнлуп тылащ 8-митн арсыр верат лѣрамтты ѣх наука хѣтл постадат. Хѣнтѣт кўтн ѣхат олатн аршак хуят рѣт ясаң, йис верат лѣрамтты питас, итѣхат кандидат немн, итѣхат доктор немн мѣсыйт. Интам ма лѣңхалум хѣншты филологической наукайт доктор нем холумтум не олаѣан, щит Валентина Николаевна Соловар.

мѣр щи олаѣан хѣншлум. Кандидатской диссертацияем ищи щи олаѣан вѣс.

1992-мит олн Валентина Николаевна филологической наукайт кандидата йис. Ин вѣнты лўв 70 мултас статья, 30 мултас кинишка хѣншас. Щи кўтн вѣнллаты непека студентат пѣта, ѣшколайн вѣнлтыйлты нявремат пѣта вѣлдат.

Хѣс ол мѣр В.Н. Соловар айлат ѣх хѣнты ясаңа вѣнлтал. Ар хѣннехѣ лўв тѣс пѣнта китас. Мосл лупты, хуты лўв вѣнлтум ѣвѣал Анастасия Шиянова па Галина Нахрачева интам аспирантурайн вѣнлтыйллаңан. Там ванан лын яха ѣшколайн 1-5-мит классатн вѣнлтыйлты нявремат пѣта вѣт ай кинишка хѣншсаңан, щит «Занимательная грамматика хантыйского языка». Валентина Николаевна щи киникайт редактора вѣс.

Мѣнум 2011-мит ол сўсн Йошкар-Ола вошн Марий Эл мўвн там хѣн-

ты не вѣн непек ѣша павтас, лўв филологической наукайт доктора йис. Лўв лупас:

– **Хѣс мултас ол мѣр хѣншсум, щит вѣн рѣпата. Щит ма кандидатской диссертацияем тѣса елды пѣла лѣщатсем. Ищи простой предложение олаѣан, муй щирн тывл, муй хурасат тѣйл. Щи арат ол мѣр ма ар путар, моньщ, ар хѣншийлсум, анкетайт ѣктыйлсум. Ар хѣнты хуят пида путартсум. Муй арат кинишка вѣл, худыева лўңатсалам мосты предложенияйт кѣншман. Щи ут и хурасуп ѣнтѣ, ар хурас тѣйл. Щит пѣта мосас хўв рѣпитты, ямсыѣва вантты.**

Интам Валентина Николаевна Ас-угорской институтн рѣпитл. Лўв ясѣл щирн, Югра мўвѣнн юхи хѣщум олн ар киника ѣтас, сыры мўң ясѣвн щи арат киника ѣнт ѣслыйлса. Тѣп рѣт ясаңан путартты мирѣв шимла йил.

– **Па хуятат хѣнты ясаң вѣнлталат, щит ям. Мўң хуцева ищи**

ханты ясаң лѣрамтты айлат хуят ара йил. Сыры щи арат хуят ѣнтѣм вѣс. Щит ям вер, мосаң, ясѣв хѣнты сухаңл. Нѣпекатн, кинишкайн мўң вѣлупсѣв, мўң верѣв хѣщл. Университѣтн кашаң ол шуши мир ясѣт вѣты няврем шимла йил. Там институтѣвн, ма щирѣмн, ищи мосл аршак рѣпата тѣхи верты, тѣта айлат ѣх ат рѣпитлат. Институтѣвн шеңк шимл ставка вѣл. Ара ки верты, айлат ѣх тѣта рѣпитты питлат, щит ям.

Интам Валентина Николаевна нявремат пѣты, ѣшколайт пѣты йилуп кинишкайт лѣщатл. Ма лўвѣл иньщассем, муйсар верат хѣнты ясѣвн айлат хуятата лѣрамтты па мосл. Лўв ястас: «Хѣннехѣ ясаң – щит лылаң ут, хѣннехѣ иты. Муйкѣм вѣллан, щикѣм вѣнллаты ясаң хулаты щир ѣнтѣ. Муйкѣм ясѣв вѣл, щи арат лѣрамтты щир вѣл».

Надежда
НОВЬЮХОВА

Валентина Николаевна сѣма питас Касум вошн 1958-мит олн. Касум ѣшкола ѣтшуптумал юпийн 1973-мит олн Ёмвошн педагогической училищайн вѣнлтыйлты питас. Щѣлта Герцен немпи Ленинградской педагогической институт ѣтшуптас. 1983-1988-мит олатн Ёмвошн учителя елды вѣнллаты тѣхийн рѣпитас. 1992-мит ол вўш ѣвалт Ёмвошн Нижневартвской педагогической институтн айлат ѣх хѣнты ясаңа вѣнллаты питас. Ин вѣнты Югорской государственной университетн айлат хѣнтѣт Валентина Николаевнайн вѣнлталыйт. 2008-мит олн лўв «Заслуженный работник образования ХМАО-Югры» немн мѣсы па мѣвл посн мойласы.

Валентина Николаевна айлат пураел вўш ѣвалт рѣт хѣнты ясаң лѣрамтты вўянтас па щи вер ин вѣнты елды тѣл. Лўв щи олаѣан лупас:

– **Мѣт олаѣан хѣнты ясѣм ма Ёмвошн пе-**

дучилищайн вѣнллаты питсем. Щѣлта Ленинград вошн, щи юпийн па Новосибирск вошн университетн хѣлум ол мѣр аспирантурайн вѣнлтыйлсум. Мѣт олаң статьяем вѣс простой предложение олаѣан. Ар ол

Айлат учёной неңа йис

Тәм ванан ханты мир кўтн йилуп учёный не етас, щит культурология наука кандидата йис Наталья Ивановна Величко (Шульгина). Щит паты лўв пидала вейтантыйлсум па путартсумн, муй щирн культураев дерамтты питас.



– Наталья, һаң ханты мир учёной ими Евдокия Нёмысова па ханты мир поэт Микюль Шульгин семьяйн сема питсан, щирн айтедн вулаң ёх кўтн енумсан. Хән һаң нумасн юхатсийн наука щирн ханты мир культура дерамтты?

– Яна па ма айтедн учёнойт кўтн енумсум. Аңкем Москва хонвошн национальной ашколайт верат тэты институтн рэпитмал пурайн ванкўтлы увас мир учёныйт пида вейтантыйлсўв. Вухалд мир учёной ими Евдокия Ивановна Ромбандеева хуца мойна яңхсум. Ванкўтлы вейтантыйлсўв юрн мир учёной ими Елена Григорьевна Сусой пида. Худна яма нэмлем, муйсар эмащ тейналтыйлды ай пәсан (кресло-качалка) юдн тайс ханты ясаң вәндтаты киникайт хәншты не Юлия Николаевна Русская. Итөх пурайн ханты мир вөтаң учёной хә Николай Иванович Терёшкин Серёжа пухл пида мойна юхтыйс. Серёжа – щит мет ям ма ләхсем. Щирн щимащ вөтаң ёх пелды вантман ма айтедн нумас версум ищи хәнты мира унтас тэты, культура верат дерамтты па научной непекаат хәншты.

Ашкола етшуптумем юпийн ма Ленинград воша мәнсум па А.И. Герцен немпи государственной педагогической университетн «История, культурология» немуп факультетн вәндтыйлды питсум. Щи пурайн ма хәнты йис вәдупсы дерамтты учёныйт пида вөтаңа йисум, щит Н.В. Лукина, В.М. Кулемзин, Т.А. Молданова па па хуятат. Татьяна Александровна мәнема культураев дерамтты партас. Айдыева щи олаңан научной непекаат лўдатты питсум.

Өхат 1998-мит одн Нижневартоск пединститутн вәдты аспирантурайн вәндтыйлды питсум. Мет сырыя «Историография материальной культуры XX века» немпи научной непекаат хәншсум. Щәлта Ём-

вошн «Торум Маа» пурмас шавиты хөта рэпитты вўсыюм. Щи пурайн кашаң тәм тәхи рөпатнекат арсыр юханат хөнаңан вәдты хәнтәт олаңан научной непекаат ләщатты питсат. Ма хәтл етты пелак хуца вәдты хәнтәт олаңан уша верты вуянтсум. Ма имухты Юган, Аган, Тромбёган, Пим, Вах юханат хөнаңан вәдты вўт кәртата яңхийлды питсум. Мет сырыя ма Тромбёган юхан хөнаңан вәдты хәнтәт хуца яңхсум. Щит юрн мир поэт Юрий Вәлла, Аграфена Семёновна па Иосиф Антонович Сопочинңан вўт кәртлалн мойна вәсум. Щи пурайн Иосиф Сопочин лупас: «Наталья-неңие, һаң хәнты культура олаңан дерамтән мәр щикўш ар эмащ верат шиваладан, тәп ин ямсыева уша вера, муй олаңан научной

Н. Величко: «Ма ин нумас тайлум нял хәнты ясаңатн «Словарь терминов по материальной культуре» немпи киника ләщатты па есалты. Ма щиремн, щит хәнты ясаң вәндтыйлды ёх паты вән унтас тәл».

непекаат хәншты питлан па тәп щи олаңан тәса уша павта. Худыева имухты щи вәдупсы нух вантты аң рәхл.

Щәлта Вән Юган, Пим юханңан вўт кәртатн вәсум. Шеңк ар пўш щив яңхийлсум па ар пурмас олаңан мосты айт акатсум. Ин щи пурмасат хурдам хуца шивалаты рәхл, мәта ут диссертацияемн юхи хәщум лопасатн вәдлат.

«Торум Маа» музея кашаң тўвум пурмас олаңан ямсыева нух хәншийлсум.

Юхи хәщум олатн ма нявремат вәндтаты ёх институтн рэпитлум. Интам тәм рөпатем тухалпи ма Ёмвошаң ашколайн эвет хәнты имет верата вәндталум, щит ёнтас-ты, сәк кәратты па тыйты. Ханты мир культура лавалман тайты паты ашкола Ёмвош кәча эвалт ишакты непекаат холумтас.

Ма ищи юдн рўтыщуман

ёнтлум, сәкаң пурмасат кәратлум.

– **Һаң сәрханл па вах хәнты ясаңаң аң вөдан, алпа, итөх пурайн лаварт вөс?**

– Лаварт щи вөс. Щирн хәнтәт эвалт ямсыева иньщасум, муй щирн тәса тәм муй тум пурмас олаңан хәншты. Мәнем сәрханл хәнты ясаң хәлантты кен, вантә, лўв кәсум хәнты ясаң пида еша яха хойлат. Шеңк ләңхалум хәнты ясаңа вәндтыйлды. Мәнем и тылащ вўт кәртан вәдты мосл, имухты хәнты ясаңа вәндтыйлсум.

Ма ин нумас тайлум нял хәнты ясаңатн «Словарь терминов по материальной культуре» немпи киника ләщатты па есалты. Ма щиремн, щит хәнты ясаңа вәндтыйлды ёх паты вән унтас тәл.

Щәлта шеңк ар айкел акатсум хәнты аканят олаңан, мосаң, едлы ищи киника ләщатлум.

– **Еша һаң диссертацияен олаңан путарта.**

– Диссертацияем «Этничность как свойство культуры (на материале традиционной культуры восточных ханты)» немн пунсем. Ма научной кәчаем вөс философской наукайт доктор, А.И. Герцен немпи университет профессор Игорь Леонтьевич Набок. Ләңхалум лўведа вән пөмашипа лупты, лўв мәнема шеңк яма нөтас.

Мосл ястаты, хути яң ол мәр мосты айкедат акатсум, 22 научной статья хәншсум.

Диссертацияем холумтәм пурайн ма хуцәма ар хәнты

Эвелина эвем пида ищи вөсәң. Щит паты кеншак вөс.

– **Һаң айлат учёный неңа йисан, хәтл етты пелак хәнтәт кўтн рөпитсан, һаң щимащ хәнты нявремат шиваласан, хуйтат едлы лыв рөт ясәл муй культураел дерамтты нумас тайлат?**

– Щит шеңк лаварт иньщасупсы. Вантә, щәта хәнты ясаң па культура худна яма тайдыйт. Нявремат ашкола етшуптум юпийн ар пелак юхды рөт вөнт шушия кәрлалат, аң ләңхалат едлы непекаңа йиты. Щәлта, вантә, А.И. Герцен немпи университетн па ЮГУ хуца хәтл етты пелак хәнты ясаңа вәндтаты хуят аңтәм – щит ищи вән нўша.

Тәм вән научной непекаат хәншмем юпийн ма нумас версум, ләдн Угут кәртаң ашколайн кәщайт, учителят хәнты мир культура едлы ат тәсат. Мосаң, щи юпийн хәнты айлат ёх едлы вәндтыйлды па лыв рөт ясәл па культураел дерамтты питдат.

– **Мосаң, газетаев мухты һаң ләңхалан вән пөмашипа лупты һаңәна нөтум ёха.**

– Тәмхатл ма ләңхалум вән пөмашипа лупты хәтл етты пелак хәнтәта, сорни ёшпи ёха, щит Аграфена па Вячеслав Каюковңана, Вера па Леонид Покачевңана, Григорий Рыноква, Полина Казамкина, Елизавета па Дарья Айпинңана па па хуятата. Тәлаң ёш па тәлаң кўр! Вән пөмашипа ясталум аңкема – Евдокия Андреевна Нёмысова, лўв кашаң пўш мәнема лупилас: «Эвие, һаң дерамтты аң питлан ки, па мир эвалт хуята щит мосл хән».

– **Наталья, наука хәтл паты мўң хәнты газетайн рөпитты ёх һаңәна ищи төпаң ясәт китлўв. Рөтлан эвалт микюм ёр па щом һаңәна ат нөтл едлы хәнты мир культураев дерамтты па наука щирн нумсаң непекаат хәншты! Ям нумасн едлы шөша!**

Людмила СПИРЯКОВА



Ханты мир паты мосты киника

Мәһүм ол юводаңан ма ханшсум, хути Ёмвошн «Торум Маа» музей хуци Кондин рет олаңан ванлтупсы пүншсы. Тәм тыдащ 20-митн ши ванлтупсы ләп тәхарсы. Мирхотн «Изготовление охотничьих принадлежностей северных манси» немуп йилуп киника олаңан ясаң мәһас.



В.Ю. Кондин па Г.Р. Кондина


Тәм киника «Торум Маа» хуци рәпитты хә Вячеслав Кондин Галина Кондина имел пида ләщатсаңан. В. Кондин лупас:

– Мәһема әмәщ, хути Кондин рәтем иса хуятата ванлтасем. Ар хуят ши ванлтупсыя юхтылас. Тәһәл ма лупсум, хути мин имем пида культура департамент эвалт грант вухн мәһыйман. Ши вухатн вой велпаслаты пурмасат версум. Щитат верты рәт әхлүвн нәтсыюм. Хути са пурмасат версүв, иса имем пида хура вүсумн, киникайн ханшсумн. Мосл лупты, хути нәврәмәт иса пурайн вантсат, хути са мүн дух, әхәл па па утат версүв. Вантә, нәврәмәт ушаңат, муй шиваладат, иса нумса пунлат. Вәһә йитәдн, мосәң,

иши щитат верты питлат.

Галина Кондина лупас, хути лүв тәм проект унтасн ар йилуп вер олаңан уша павтас. Аңкел – Аксиһня Степановна Мерова – лүвела вухаль йис ясаңат путартас, ши ясаңат тәм киникайн иши ханшман вәдлат. Галина Рудольфовна ясаңал щирн, елды ши киника округ ашколайт, лүңатты хотат хүват китды, ләдн нәврәмәт щитат лүңатсат.

Ма щирәмн, Вячеслав Кондин вән вер верас. Интам айлат әх иса әһ вәдат, хути са мосл йис щирн дух, әхәл, арсыр вой велпаслаты пурмасат ләщатты. Щит паты хәнты



Г. Кондина
В. Кондин

Изготовление охотничьих принадлежностей северных манси

айлат әх ши киника хүват иши ши утат верты питлат. Ашколайн труд урокәт тәты әх ши киника әша ат паватлат, ләдн нәврәмәт щитат верты вәдлат.

Надежда НОВЫЮХОВА

«Питяр юх» кәщәя вәл

Ар ол Ольга Ивановна Харлова Угут кўлупн рәпитл, щәта «Питяр юх» («Пящар юх») немпи якты-ариты тәхийн ух неңә вәл.

Ольга Харлова Сәрханл районан Таурово кәртан еһмас. Ханты рәтләл па Иван Николаевич Лянтин әщәл ай кәртатн па вәнтан вәсәт, щит паты лүв ай пура вүш эвалт пўләң шуши мир вәдупсы яма вәдлә. Аңкел Галина Ефимовна Кондакова рўщ ими, щит паты Ольга рўщ маңанан вәл.

Вән әх эвалт яң хуят щив яңхәл, иши араткем нәврәм щив юхтыйл. Мосл лупты, пухәви кўтн ар хуят кашды вәдлат «Питяр юха» яңхты. О. Харлова лупас, хути дывел арщирн хўщлат, ләдн якты-ариты ат юхтыйлдат. Имет эвалт Евдокия Флорий, Нина Усанова, Светлана Мулатова, Аләһә Кельмина, Мария Меркулова щәта арилат. Итәх пурайн Леонид Кымычев дывела нарасьюхан юнтал. Хүв вүш эвалт щәта Полина Нюгломкина иши арийл па кўлупн рәпитты әхә нәләм нәтл – Ольга Харлова рўщ ясаңан стихотвореният ханшал, лүв щитат рәт ясаңа тулмащталә. Әхәт щитат эвалт дыв хәнты арат верлат.

Тәм не тухалпи каш верты хотн Николай

Нюгломкин па Екатерина Спиридонова хәнәңан рәпитлаңан. Екатерина әвәт еһтасты па сәк кәратты вәдтал, Николай – нарас юхан нарасы. Ол мәр щәта рәпитты әх арсыр ванлтупсәт, якты-ариты хәрат па емаңхатлат верантлат. Кашаң ол Угутн верум пурмасат Ёмвоша «Мастер года» немпи кәсупсыя, тынесты хәрата па ванлтупсәта тәтәлдядыт. Итәх утат щәта ел тыныдыт. Екатерина Спиридонова па Светлана Качалова ям пурмасат паты Ёмвошн ишакты непеһн мийлясыйңан. Екатерина Усанова Ларломкины кәрт эвалт «Народный мастер России» неһ тайл. Ольга Ивановна лупас, хути ши не еһтум хурамаң нирңан хәдүмкем ол Россия хүватыйн арсыр ванлтуп-

сәтн мира ванлтасыйңан. Пурмас тумпи каш верты хот рәпатнекат па кәртаң әх хур вүлат па щитат иши кәсупсәта китлат. Сәрханл вошн «Звезды 21 века» немпи районной кәсупсыйн Угут айлат әх нух питыйлсат па мойлупсыйн мәһыйт.

Хәнты якат якты паты ши мув әх иши ар пўш мойлупсыйн па ишакты непеһн мийлясыйт. Хурамаң якат вертыя О. Харлова пилнеңләл пида ар тәхийн арсыр әх эвалт вәдлтыйллат. Вәнтаң хәнәт иньщаслат, муй щирн дыв яклат. Щәлта па кәртатн, вошатн вәдлаты каш хәратн вантлат, хути са па мир якат. Кәт пўш Ольга Ивановна Ёмвоша яңхәс, хути хәннехәйт шуши мир якат якты вәдлтасыйт.

Имудтыйн Угут әх Нуви сәңхум воша «Белый олень» неһпи якаңараң хәһн вәсәт. Щәта Ольга Харлова ши мўвн вәдты кәртат олаңан уша верас па лупас, хути Тўкьякан, Ванщават, Полнават па Тәк неһмәт шеңк хурамаңат, лүвела худыева дыв сәма рәхсәт.

Мосл лупты, кўлупн



Ольга Харлова

рәпитты әх шуши мир эвалт арат па моньщат нух хәншлат. Ин щит эвалт диск неһпи шўңк верты нумас тайлат. Әхәт юганской мир хәншет киникая верты па щит есалты ләңхәлат. Вантә, щимащ непеһн хуһна неһхута әһт етляс. Па хәнәт иты Вән па Ай юхан мир юкан путарсув тайлат. Интум вәнты дыв ясеңдн словарь неһпи киника әһтәм па О. Харлова пил әхләл пида ши ут есалты иши нумас паватсат.

Әмәщ верат эвалт кашаң лўң Угут хути «Слияние двух рек» неһ-

пи емаңхатл вәдләл. Вантә, юганской хәнәт кәт юханңанан вәдлат, щит паты емаңхатләл щиты алыщаләл. Ши хәтәдн шуши әх хәнты щирн арилат, яклат, кәслат па мойң әх хәнты ләтутн ләпатлат. Ищиты верантлат, хән кәртаң емаңхатл питыйл. Шуши әх тухалпи щәта башкират, хәтанят па пасыр мират каш хәр, ванлтупсы верлат па дыв мирләл ләтутн Угут мир иши ләпатлат.

Реональда
ОЛЬЗИНА

Адресәв: 628011, Ханты-Мансийск, Комсомольской улица, хот 31
Телефонлүв: редактор
факс 8(3467) 33-36-82;
редактор ләңкар не 33-24-02;
корреспондентат 33-36-07;
факс 8(3467) 33-36-82; 33-17-52;
E-mail: luima@ugrascom.ru

Газетаев постум непеһн тайл Е-0214
Учредитель — Ханты-Мансийской автономной округ-Югра Правительство.
Издатель — Ханты-Мансийской автономной округ-Югра общественных связей Департамент.
Комсомольской улица, хот 31

Газетаев редакция хотәһн версәв па печатайтты есалсәв 1.02.2012 оһн, 13.00 щосн
Индекс 54393
Тираж 449
Заказ 48

Газетаев есалты тәһи (типография)
адрес: 628012, Ханты-Мансийск, Мира улица, хот 68

Ух редактор
Раиса РЕШЕТНИКОВА
Ух редактор ләңкар не
Надежда ВАХ
Ответственной секретарь
Надежда НОВЫЮХОВА